



Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 1. Homines quosdam à malis spiritibus verè insideri.

[urn:nbn:de:hbz:466:1-51168](#)

C A P V T XIII.

*Cur, & quām monstrosos diaboli faciant
eos, quos insident?*

§. I.

*Homines quosdam à malis spiritibus verè
insideri.*

Venio ad alterum modum, aut spe-
ciem monstrorum diabolicorū.
Neque enim ipsi duntaxat hor-
rifīcē monstrosos se se mortalibus aspi-
ciendos exhibent, sed etiam admodū mon-
strosos faciunt energumenos, in quos in-
grediuntur. Hoc antē, quām demonstrem,
priū ostendendum est, an Spiritus isti, &
quomodo in homines intrent? Sunt enim, Leuin.
Lemn. l. 2d
de occult.
naturæ
cap. 2.
qui cum Leuino Lemnio putent, energu-
menos, qui à dæmonibus possideri dicun-
tur, naturalibus tantū morbis laborare,
non verò à dæmonibus possideri. Sunt qui
animas quasdam jam olim defunctorū ar-
reptitios inuadere arbitrentur. Piores er-
roris arguit, quod nulla morbi vis doce-
re homines possit, ut omniū gentium lin-
guis loquantur. Audimus enim simplices,
rusticos, illiteratos à spiritibus his infessos

E e 2

nunc

nunc Latinè, nunc Græcè, nunc Hebraicè,
 nunc alijs idiomatis conuicia iacentes.
 Quis morbus est, qui futura, aut absentia
 mortalibus patefaciat? Ex energumenis
 autem talia intelliguntur, vti & occulta
 astantium peccata non raro propalam re-
 uelantur. Denique quis morbus tantas
 ægrotō dat vires, vt eum catenis astrictum
 vix quatuor validis lacertis viri possint co-
 hibere; aut etiam vt è templi paumento,
 per aërem, usque ad fornicem summum
 tholūmū se se queat extollere? Ægrotat
 profectò mente, quisquis hos effectus mor-
 bis naturalibus ascribit. Posteriores au-
 tem, qui animabus defunctorum hæc at-
 tribuunt; eodem arguento confutantur,
 quis enim illis hanc futura cognoscendi
 vim tribuit? quis linguas docet? Et verò
 vel animas separatas fateri, est concedere
 spiritus, qui si ad corpora pertinentes, sine
 corpore existere possunt, quanto magis
 existere poterunt, sine corpore, Spiritus ad
 corpora non pertinentes? Plura contra
 Matthzi. hos cumulat Tostatus argumenta.

Tostatus
Abulensi.
q. 124. in
cap. 8.

§. II.
Idem è sacris litteris docetur.
 Sed contra utrosq; experientia quoque,
 &